

& prosternamus, vt alii qui inferiores sunt, nec eius fraudes deprehendunt, facile effugere possint.

Principiò sciatis, eum nolle omnino agnoscere veram Trinitatem, qualem nobis Scriptura tradit, & in Baptismo Christi manifestata est, vbi Pater auditus in voce; Filius visus in carne; Spiritus in specie columbe: sed semper *Trinitatem confusam vnum Deum somniat*, ad quem suum vnum Deum, Scripturæ inauditum, Mediatorem statuit, hominem tantum Christum, quem & huius Dei Trinitatis filium, & ab illa missum nugatur, & ad illum intercedere pro nobis fingit. Quòd si quis distinctè eum roget, an credat, *Patrem verum esse Deum: an quoq; Filium esse verum Deum, de Deo vero genitum: tum quoq; Spiritum S. Deum*, vbi tandem vera Trinitas ex distinctione aduersum eius confusionem emergit: clamat, nos Arianos & hæreticos esse. Quòd si ex eadem distinctione obiicimus, Filium Dei, Deum de Deo & verum hominem ex homine, esse Mediatorem ad Deum Patrem, duos Deos nobis obiicit, inquit: *Vnus est Deus Trinitas: quòd si vnus, Filius Dei, Deus non potest esse Mediator, quia essent duo Dii. Oportet ergo, vt ad vnum Deum Trinitatem, sit Mediator homo tantum Christus: aut vnà Pater cum Filio, & Spiritus S. vnus Deus, Trinitas erit Mediator ad Propatorem Valentini: vbi facile videre est, quòd Christum Dei Filium, atque ita Deum ex Deo, cum Iudæis penitus abnegat, & hominem tantum ad Trinomium Deum statuit, nomen Christi tantum in Trinitate relinquens, & extra Trinitatem, hominem Christum veluti alterum*

*Vbi distinctio vera & realis retinenda est, vt in Trinitate, Stancarus nullam vult: Vbi vnitas perpetua retinenda, vt in vno Christo, ille diuidit, alium Deum, aliū hominem statuens.*